



Ofisa o Fuainumera Faamauina Tala o le Tamaoaiga

Kuata o Setema 2020

Aotelega

22 Ianuari 2021

Otootoga:

- Faaitiitia le tamaoaiga i le 11.6%.
- Tamaoaiga fua i tau o oloa o le 2013 (real): **WST \$453.3 miliona**
- Tamaoaiga fua i suiga o le tau o oloa i totonu o le kuata (nominal) - **WST \$489.9 miliona**

Mataupu o i le ripoti:


Folamua & Aotelega	1
Faapaseneina o le suiga o le tamaoaiga	1-2
Suiga o le Tamaoaiga	2
Faapaseneina o le sao o Vaega Maoti i	2
Tamaoaiga o le Kuata	3-9
Iloiloga o le Tamaoaiga ma Atina'e mo le Lumana'i	10 - 14
Pepa Faapoopo - Tamaoaiga i ona Vaega	

E 16.3% ua pau ai le tamaoaiga o le atunuu ile maea ai o iloiloga ile kuata o Setema 2020. O loo faaauau pea le faaitiitia ai o le tamaoaiga a le atunuu, ma o le kuata sili le nei sili ona maualalo lona tamaoaiga faamauina i le tala faasolopito o faamaumauga o le tamaoaiga talu ona amata ma tuufaatasia mai ile tausaga 1998. E sosoo lea pau ile tamaoaiga ma tamaoaiga toe iloiloina -10.7% i le kuata o Iuni 2020 ma le -3.3% i le kuata o Mati 2020. O le aofaiga o le tamaoaiga pe a fua ile tau o oloa o le tausaga faavae 2013 e \$446.9 miliona; o le tamaoaiga sili lea ona maualalo i totonu ole kuata talu mai le kuata o Iuni 2014. O le tulaga ogaoga o le faaletonu o le tamaoaiga o le atunuu ona o le faamai oti o le Koviti-19 na atagia i le faaitiitia ai o gaoiga masani e galueaina ai le tamaoaiga o le atunuu i totonu ole kuata o Setema 2020; o le ala lea na tapunia ai auunaga o femalagaiga faa-va-o-malo ma le faalotoifale, faaitiitia fefaatauaiga ma taimi e tatala ai pisinisi faapea foi ona tapu ai potopotoga ma isi. Na matua tele le aafiaga o le Koviti-19 i vaega maoti uma i totonu ole atunuu e pei o oloa gaosi ma auunaga i oloa siitoga, faletalimalo ma faleaiga, felauaiga, auunaga tau meli, galuega tetele, fesootaiga faapea auunaga faa-faletupe.

Suiga o le Tamaoaiga:

O le tamaoaiga i le kuata o Setema 2020 e \$446.9 miliona pe a fua i le tau o oloa o le tausaga faavae 2013 (real GDP). O lea fuainumera ua faaitiitia i le 16.3% pe a fua i le kuata o Setema 2019; ua sosoo lea pau ma le tamaoaiga toe iloiloina e -10.7% mai ile pau e -11.6% na faamauina ile kuata o Iuni 2020.


Kalafi 1: Tamaoaiga ma suiga, Set 2016 - Set 2020



O le kalafi I o loo faaalai ai le tamaoaiga pe a fua i le tausaga faavae (2013) faatasi ai ma le suiga i pasene o le tamaoaiga fua i le kuata o le tausaga ua te'a. O loo faaauau ona agai i lalo le tamaoaiga pea fua ile kuata o Tesema 2019 ona o ona aafiaga i le faamai o le misela

aemaise tapu ma aiaiga a le Malo o loo faaauau pea mo puipuiga o le Koviti-19.

Kalafi 2: Faapaseneina o le sao o Vaega Maoti taitasi i le tamaoaiga, Kuata o Setema 2020



O le kalafi 2 o loo atagia ai o le tele o vaega maoti na aafia ma iu ai ina pau maualalo le tamaoaiga ile kuata o loo iloiloina aemaise o lo latou sao ile tamaoaiga ile kuata o loo iloiloina. O nisi o vaega maoti sa faapea ona faaletonu o latou tamaoaiga ile kuata o Setema 2020 o le vaega o Fefaatauaiga, Faletalimalo ma Faleaiga, Fesootaiga, Auunaga Faapisinisi, Felauaiga ma Galuega tetele ma o latou sao i le faaitiitia o le tamaoaiga e -4.1, -2.6, -2.4, -2.3, -1.7 ma le -1.4 ma maua ai le atoga e 16.3%.


O le Vaega o Fefaatauaiga o loo faamauina pea lona tulaga maualuga i le tamaoaiga o le atunuu ma o le fa ai lea o kuata sosoo o faaitiitia pe a fua i le kuata lava lea o le tausaga ua mavae. O fefaatauaiga o oloa e pei o meaa'i, vai inu, oloa faufale faapea oloa tau kasa na faamauina le pau ia Setema 2020. O le vaega o Faletalimalo ma Faleaiga na sosoo ai le tele o lona tamaoaiga faaitiitia i le kuata o Setema e -83.8% pe a fua ile kuata o Setema 2019. O lea tulaga faaletonu na afua ona o le umi o se taimi na tapunia ai femalagaiga faa-va-o-malo ona o le faamai; na faaitiitia ai tupe maua mo lea vaega ona o le leai o ni turisi aemaise o aiga ma uo e faaogaina ia auunaga. O le vaega o Fesootaiga na pau ile -29.8% fua ile kuata o Setema 2019. O le vaega o auunaga Faapisinisi na faapea ona tele lona pau ile kuata o Setema ona o le tapu a le Malo mo le Koviti 19 na aafia ai auunaga a pisinisi tau femalagaiga, o manaoga i auunaga mo turisi e pei o maimoaga masani i lafanua ma pine faamau o le atunuu aemaise auunaga i le faataua o fanua. Na siitia le tamaoaiga maua mai i auunaga faa-loia ma faafautua ae e lei gafatia e lea lelei ona siitia ai le tamaoaiga maua i totonu o lea vaega maoti.

O vaega maoti na lelei pe siitia lo latou tamaoiga maua mai i a latou auunaga ile kuata o Setema 2020 e aofia ai le vaega ole Eletise ma le Suavai, vaega a le Malo, Auunaga Taitoatasi ma Isi ma Vaega o e umia fale i o latou sao e 0.3%, 0.2%, 0.1%, ma le 0.1% ile aofaiga atoa o le tamaoiga.

Aotelega o le tamaoiga, fua i tau o oloa i totonu o le kuata (Nominal):

O le aofaiga o le tamaoiga pe a fua i le tau o oloa i totonu o le kuata o Setema 2020 e \$491.8 miliona. Na faaitiitia i le 15.5% mai i le aofaiga sa iai i le kuata lava lea o le tausaga ua te'a. O le tamaoiga fua i le faitau aofai o tagata i le kuata o Setema 2020 (GDP per capita) na pau i le 16.2% pe a faatusa ile kuata o Setema 2019.

Kalafi 3: Pasene o Vaega Maoti, Kuata o Setema 2020



O loo faamanino mai i le kalafi 3 le sao faapaseneina o vaega maoti o le tamaoiga mo le kuata o Setema 2020. O le vaega 3 (Tertiary sector) e 62.5% lona sao atoa ile tamaoiga ma e 5.3 pasene ua faaitiitia ai lona sao pe a fua ile kuata o Setema 2019. Na sosoo ai le Vaega o Oloa gaosi (Secondary sector); na faamauiina le siitia i le 1.4% fua i le kuata lava lea o le tausaga 2019. Na mafua ona o le faopoopoga maua i gaoigaga faa-le-tamaoiga a vaega e tolu o le Vaega 2 sei vagana sei vagana ai le vaega o Galuega Tetele na pau lona tamaoiga.


E 10.7% le sao o le Vaega I (Primary sector) i le tamaoiga; ua siitia ile 0.5% pe a fua i le kuata o Setema 2019. O lea tulaga lelei na mafua ona o le siitia o le tamaoiga maua mai i fua o faatoaga ile kuata o Setema 2020 pea fua ile kuata lava lea o le tausaga 2019. O le tamaoiga mai le Vaega a le Malo e 11.4% ma na siitia i le 3.4 pasene fua i le kuata lava lea o le tausaga 2019.

Iloiloga o le sefululua masina: (Oke 2019 - Set 2020)

O le tamaoiga faamauiina mo le tausaga faaletupe pau mai ia Setema 2020 pe a fua i le suiga o tau o oloa i totonu o le tausaga (current market prices) e \$2,077.9 miliona, faaitiitia i le 8.3% pea fua i le tamaoiga e \$2,266.3 miliona na ausia i le tausaga faaii ia Setema 2019. O le tamaoiga e fua i le faitau aofai o tagata i le tausaga na faamauiina lona aofaiga e \$10,282 (GDP per capita); pau i le 9.1% pe a fua i le tausaga faaletupe faaii i le kuata o Setema 2019.


O le aofaiga o le tamaoiga fua i tau o oloa o le tausaga faavae (2013) e \$1,895.3 miliona i le tausaga faaii ia Setema 2020. Na tuuaitiitia lona sao i le 8.6% fua i le tamaoiga maua (\$2,073.5 miliona) i le tausaga faaii ia Setema 2019. O le tamaoiga faamauiina pito sili lea ona mauualalo ua ausia i le tausaga faaletupe faaii ia Setema 2015.

Kalafi 4: Gasologa o le Tamaoiga, Setema 2015/16 - 2019/20



O le kalafi 4 o loo faalia ai le gasologa mai o le tamaoiga i le tausaga faaletupe faaii ia Setema i le 5 tausaga talu ai. Ua faamauiina ai le pau mauualalo o le tamaoiga i le tausaga faaletupe faaii ia Setema 2020 ile 8.6%. O le tuuaitiitia ai o le tamaoiga na faavae mai lea i le pau mauualalo o gaoigaga i Vaega o Fefaatauiga, Faletalimalo ma Faleaiga, Felauaiga, Auunaga Faapisinisi, Galuega Tetele, Fesootaiga faapea le vaega gaosi Meaai & Vai inu i o latou sao taitasi e -3.5, -1.3, -0.9, -0.9, -0.8, -0.6 ma le -0.6 pasene i le aofai o le faaitiitiga e -8.6% i le tamaoiga e pei ona faalia i le Kalafi 5.

Kalafi 5: Faapaseneina o le sao o Vaega Maoti taitasi i le tamaoiga, Setema 2019/20




Iloiloga o Vaega Maoti taitasi

VAEGA O FAATOAGA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	47.7	43.4	43.9	1.2	-8.0
Tamaoiga (fua ile tausaga 2013) Tala Samoa (\$'000)	40.6	36.9	37.9	2.6	-6.8
Sao o Vaega i le suiga i le kuata (pasene)	1.0	-0.3	-0.5	Kalafi 6: Suiga i Pasene o le Vaega o Faatoaga (fua ile tausaga e 2013), Setema 2016 - Setema 2020	
Saofaga i le tuufaatasiga faa-le-kuata (tamaoiga i pasene)	8.2	8.8	8.9		

Na faamauina le aotelega o le tamaoiga fua i le tausaga 2013 ile Vaega o Faatoaga e \$37.9 miliona; ua tuuaititia i le 6.8% fua i le kuata o Setema 2019. O loo atagia ai i lea fuainumera le pau o fua o faatoaga i le 27.8%, aofa'i o lafumanu i le 5.3% ma togalaau ma fualauaina i le 0.8%. O fua o faatoaga masani ona auina atu i maketi e pei o fa'i, ta'amu, ufi, 'ulu, niu, kapisu lapotopoto, tamato, kapisu saina, kukama ma maukeni na faamauina le maualalo o fuainumera ile 32.0%, 84.9%, 36.7%, 51.7%, 43.6%, 39.9%, 70.9%, 37.4%, 7.5% ma le 50.6%.


O fua o faatoaga auina atu i fafo na pau lona tamaoiga faamauina i le 0.1% fua i le kuata lava lea o le tausaga 2019. Peita'i, na siitia le sao o le nei vaega maoti ile tuufaatasiga faa-le-kuata o le tamaoiga i le 0.7 pasene mai i le 8.2% i le 8.9% i le kuata o Setema 2020.



FAIGAFAlVA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	11.4	9.4	8.7	-7.0	-23.4
Tamaoiga (fua ile tausaga 2013) Tala Samoa (\$'000)	8.5	6.1	6.0	-0.1	-29.1
Sao o Vaega i le suiga i le kuata (pasene)	0.0	-0.5	-0.5	Kalafi 7: Suiga i Pasene o Faigafaiva (fua i le tausaga e 2013), Setema 2016 - Setema 2020	
Saofaga i le tuufaatasiga faa-le-kuata (tamaoiga i pasene)	2.0	1.9	1.8		

Na faamauina le pau o le tamaoiga i le vaega o Faigafaiva i le 29.1% fua i le kuata o Setema 2019; na pau foi lona tamaoiga ile 0.1% fua i le kuata o Iuni 2020. O le ono ai lea o kuata sosoo o faaititia le tamaoiga pei ona faaalii i le Kalafi 7. O lea tulaga faaletonu o loo atagia ai le tuuaititia i le 28.9% o le tamaoiga maua mai i faiva o le aloalo ma tuaau. Na faapena foi ona pau ile 30.1% le tamaoiga o i'a faaogaina mo le fofoga taumafa o le atunuu mo le kuata o loo iloiloina.

E -0.5 pasene le sao o le vaega o Faigafaiva i le suiga o le tamaoiga i le kuata o Setema 2020.




Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoaiga Setema 2019	Tamaoaiga Iuni 2020	Tamaoaiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoaiga (fua kuata) Tala Samoa (\$'000)	21.4	15.9	20.7	29.9	-3.3
Tamaoaiga (fua ile tausaga 2013) Tala Samoa (\$'000)	20.8	14.9	19.2	28.9	-7.7
Sao o Vaega i le suiga i le kuata (pasene)	0.5	-1.2	-0.3		
Saofaga ile tuufaatasiga faa-le-kuata (tamaoaiga i pasene)	3.7	3.2	4.2		

Kalafi 8: Tamaoaiga maua mai Oloa Gaosi o Meaai & Vai Inu ma le suiga mai i kuata taitasi i pasene, Setema 2016 - Setema 2020

Ua faamauina le tamaoaiga fua i le tausaga faavae 2013 o le vaega e gaosia meaai ma vaiinu ile \$19.2 miliona i le kuata o Setema 2020; e 7.7% na faaitiitia ai le tamaoaiga fua ile kuata o Setema 2019. E -0.3 pasene le sao o le nei vaega i le suiga o le tamaoaiga i totonu o le kuata iloiloina.

Na pau maualalo le gaosiga o taumafa ma vaiinu i le 10.0% ma le 6.9%, o le lona fa ai lea o kuata sosoo o tuutiitia pea le tamaoaiga maua mai i le nei vaega. O le tamaoaiga maua mai i taumafa auina atu i fafo na faamauina lona pau maualalo ile 67.8% pe a fua i le kuata o Setema 2019. A fua i le kuata o Iuni 2020, e 28.9% na siitia ai le tamaoaiga o le vaega o Gaosia Meaai ma Vaiinu.




VAEGA O ISI OLOA GAOSI	Tamaoaiga Setema 2019	Tamaoaiga Iuni 2020	Tamaoaiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoaiga (fua kuata) Tala Samoa (\$'000)	12.3	6.9	12.0	74.0	-2.4
Tamaoaiga (fua ile tausaga 2013) Tala Samoa (\$'000)	10.2	5.8	9.5	64.0	-7.2
Sao o Vaega i le suiga i le kuata (pasene)	0.0	-1.1	-0.1		
Saofaga ile tuufaatasiga faa-le-kuata (tamaoaiga i pasene)	2.1	1.4	2.4		

Kalafi 9: Tamaoaiga maua mai le Vaega o isi Oloa Gaosi, Setema 2016 - Setema 2020

A fua i le tau o oloa i le tausaga faavae 2013, o le tamaoaiga maua mai le vaega o Isi Oloa Gaosi e \$9.5 miliona mo le kuata o loo iloiloina. Na faaitiitia lea aofaiga i le 7.2% pe a fua i le aofaiga sa i ai i le kuata lava leni o le tausaga ua mavae. E -0.1 pasene le sao o le nei vaega ile tamaoaiga mo le kuata o loo iloiloina. A fua i le kuata o Iuni 2020, na tuutiitia lona tamaoaiga i le 64.0%.

E \$12.0 miliona le tamaoaiga maua na faamauina pe a fua i le tau o oloa i totonu o le kuata mo le nei vaega i le kuata o Setema 2020. Na faaitiitia lona tamaoaiga i totonu o le kuata i le 2.4% fua i e kuata lava o le tausaga ua te'a.




Iloiloga o Vaega Maoti taitasi

GALUEGA TETELE	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	30.9	28.7	24.4	-14.9	-21.0
Tamaoiga (fua ile tausaga 2013) Tala Samoa (\$'000)	29.8	27.4	22.3	-18.7	-25.2
Sao o Vaega i le suiga i le kuata (pasene)	0.4	-2.1	-1.4		
Saofaga ile tuufaatasiga faa-le-kuata (tamaoiga i pasene)	5.3	5.8	5.0		

Kalafi 10: Tamaoiga maua mai le Vaega o Galuega Tetele ma le suiga mai i kuata taitasi i pasene, Setema 2016 - Setema 2020

I le vaega o Galuega Tetele, e \$22.3 miliona le tamaoiga maua mai i lea vaega maoti pe a fua i le tausaga faavae 2013; o le tamaoiga sili ona maua mo le nei vaega talu mai le kuata o Setema 2009. Na pau i le 25.2% le tamaoiga o Galuega Tetele pe a fua ia Setema 2019; na tuuifititi foi i le 18.7% pe a fua ia Iuni 2020. O loo atagia mai ai le faaitiitia o oloa faaulufale mai i totonu o le atunuu mo le faatinoina o galuega tetele i le 25.1%. Na tuuifititi fefaatauaiga o aseta a le Malo i le 76.9% pei ona taua i le ripoti o faamauga o Tupe a le Malo (Setema 2020).




Na faapena foi ona tuuifititi galuega ma atina'e tetele a le Malo faapea le fausia o fale mo pisinisi ma aiga i totonu o le kuata o loo iloiloina. O le tolu lea o kuata sosoo o pau maua le tamaoiga o le nei vaega pei ona faaalii i le Kalafi 10.

ELETISE MA SUAVAI	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	16.5	18.7	18.5	-1.0	12.1
Tamaoiga (fua ile tausaga 2013) Tala Samoa (\$'000)	15.3	16.7	16.7	0.2	9.5
Sao o Vaega i le suiga i le kuata (pasene)	0.2	0.1	0.3		
Saofaga ile tuufaatasiga faa-le-kuata (tamaoiga i pasene)	2.8	3.8	3.8		

Kalafi 11: Tamaoiga maua mai le Vaega o Eletise & Suavai, Setema 2016 - Setema 2020

E \$16.7 miliona le tamaoiga sa maua i le vaega maoti o Eletise ma le Suavai i le kuata o Iuni 2020 pe a fua i le tausaga faavae 2013, ua siitia i le 9.5% pe a fua i le kuata o Setema o le tausaga ua mavae. O le tulaga lelei faamauina i le tamaoiga o lenei vaega o loo atagia ai le siitia o le suavai gaosia i le 28.0%; e 4.4% na tuuifititi ai le eletise gaosi.



O le tamaoiga ole vaega maoti i totonu o le kuata o loo iloiloina na faamauina ai le siitia i le 12.1% pe a fua i le kuata o le tausaga 2019. O le saofaga i le tuufaatasiga i le tamaoiga i totonu o le kuata na siitia i le 1.0 pasene; mai i le 2.8 pasene ia Setema 2019 i le 3.8 pasene ile kuata o loo iloiloina.


Iloiloga o Vaega Maoti taitasi

FEFAATAUAIGA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	189.5	157.1	161.0	2.5	-15.1
Tamaoiga (fua ile tausaga 2013) Tala Samoa (\$'000)	174.8	152.2	153.0	0.6	-12.4
Sao o Vaega i le suiga i le kuata (pasene)	0.4	-2.9	-4.1		
Saofaga ile tuufaatasiga faa-le-kuata (tamaoiga i pasene)	32.6	31.8	32.7		

Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Setema 2016 - Setema 2020

O loo numera tasi pea le sao o Fefaatauaiga e 32.7% i le tamaoiga maua o le atunuu i totonu o le kuata o loo iloiloaina. E \$153.0 miliona na faamauiina ai le tamaoiga o le vaega pe a fua i tau o oloa o le tausaga faavae 2013, e 12.4% ua pau ai lona tamaoiga fua i le kuata lava lea o le tausaga ua te'a.

O le tulaga faaletonu i le tamaoiga o loo atagia mai ai le faaitiitia o le tamaoiga maua mai i le fefaatauaiga o oloa siittoa faapea fefaatauaiga mo manaoga masani ile 12.6% ma le 15.2%. Na matua faaletonu le tamaoiga maua mai i turisi ma tagata tafafao mai i fafo ona o tapu ma tulafono faamalosi e le Malo a'o tapunia ai femalagaiga mai i atunuu i fafo ona o le pui puiga i le faamai oti o le Corona (Koviti-19) ina ua faalauiloa le tulaga o faalavelave faafuasei na faamalosi i le kuata atoa o Setema 2020.




FALETALIMALO MA FALEAIGA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	18.7	2.0	3.3	64.1	-82.3
Tamaoiga (fua ile tausaga 2013) Tala Samoa (\$'000)	16.8	1.8	2.7	52.6	-83.8
Sao o Vaega i le suiga i le kuata (pasene)	0.9	-2.1	-2.6		
Saofaga ile tuufaatasiga faa-le-kuata (tamaoiga i pasene)	3.2	0.4	0.7		

Kalafi 13: Tamaoiga maua mai i Faletalimalo & Faleaiga ma le suiga mai i kuata taitasi i pasene, Setema 2016 - Setema 2020

Na faaaauu pea ona iai ise tulaga faaletonu tele le vaega o Faletalimalo ma Faleaiga i lona tamaoiga maua e \$2.74 miliona mai i le tamaoiga faamauiina i le kuata o Setema 2019 e \$16.8 miliona. Sa tuu ititiia lona tamaoiga i le 83.8% pe a fua i le kuata lava lea o le tausaga ua mavae. O le tasi le nei o vaega maoti na pito sili ona aafia ona o tapu a le Malo i le naunautaga ia faatumauiina le pui puia mai o lo tatou atunuu mai le faamai oti o le Koviti-19.

O loo faaaauu pea ona pau maualalo le tamaoiga maua mai i lea vaega mo kuata e fa sosoo talu mai le kuata o Tesema 2019. O lona sao i le suiga o le tamaoiga i le kuata o loo iloiloaina e -2.6 pasene.




Iloiloga o Vaega Maoti taitasi

FELAUAIIGA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	21.5	15.0	12.0	-19.5	-44.0
Tamaoiga (fua ile tausaga 2013) Tala Samoa (\$'000)	20.2	14.4	11.3	-21.6	-44.0
Sao o Vaega i le suiga i le kuata (pasene)	0.4	-0.7	-1.7		
Saofaga ile tuufaatasiga faa-le-kuata (tamaoiga i pasene)	3.7	3.0	2.5		

Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Setema 2016 - Setema 2020

Na tuitiitia le tamaoiga maua o le vaega o Felauaiga ile 44.0%; e \$11.3 miliona le tamaoiga faamauina fua i le tausaga faavae 2013 mo le kuata o Setema 2020. Ua faaliliuina lea i lona sao e -1.7 pasene i le aotelega o le suiga o le tamaoiga i totonu o le kuata iloilo. Ua faaitiitia ile 82.1% le tamaoiga maua mai i felauaiga i le ea; pau mauualo le felauaiga i le sami i le 31.6% faapea le laueleele i le 31.9%.

O le aofa'i o tagata femalagaai i le ea, o auunaga ma gaioga faatino i luga o le laueleele faapea vaega tau felauaiga ile va o fale teu oloa, faleoloa siiatoga faatasi ai ma tiute i oloa mai fafo na tuitiitia uma i totonu o le kuata o loo iloilo.




FESOOTAIIGA	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	48.9	34.7	32.9	-5.0	-32.7
Tamaoiga (fua ile tausaga 2013) Tala Samoa (\$'000)	42.8	31.8	30.0	-5.4	-29.8
Sao o Vaega i le suiga i le kuata (pasene)	1.0	-0.1	-2.4		
Saofaga ile tuufaatasiga faa-le-kuata (tamaoiga i pasene)	8.4	7.0	6.7		

Kalafi 15: Tamaoiga maua mai i Fesootaiga ma le suiga mai i kuata taitasi i pasene, Setema 2016 - Setema 2020

O le vaega o Fesootaiga e \$30.0 miliona le tamaoiga i le kuata o Setema 2020; na faaitiitia lona tamaoiga faamauina i le 29.8% fua i le kuata o Setema 2019. O lona sao i le suiga o le tamaoiga i totonu o le kuata o loo iloilo e -2.4%. E sosoo lea ma le tulaga faaletonu i le tamaoiga o le kuata o Iuni 2020 ona o le fesuia'i o vaega e ave iai le faamuamua a le mamalu lautele ma faaitiitia ai manaoga mo ana oloa faatau ao feagai ai le atunuu ma aafiaga o le tamaoiga i le faama'i (Covid-19) o loo pipisi i le lalolagi atoa.

E \$32.9 miliona le aofai o le tamaoiga a le vaega pe a fua i le suiga o tau o oloa i totonu o le kuata o Setema 2020; sa maitauina ai foi le tuitiitia ole sao o le vaega maoti ile 1.7 pasene i le tuufaatasiga faalekuata o le tamaoiga ile 6.7 pasene mo le kuata iloilo.




Iloiloga o Vaega Maoti taitasi

AUAUNAGA FAAPISINISI	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	17.2	11.3	5.5	-51.4	-68.0
Tamaoiga (fua ile tausaga 2013) Tala Samoa (\$'000)	18.0	11.5	5.4	-53.0	-69.8
Sao o Vaega i le suiga i le kuata (pasene)	-0.4	-0.6	-2.3		
Saofaga ile tuufaatasiga faa-le-kuata (tamaoiga i pasene)	3.0	2.3	1.1		

Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Setema 2016 - Setema 2020

Na faamauina e \$5.4 miliona le aofaiga o le tamaoiga maua mai i auaunaga faapisinisi mo le kuata o Iuni 2020 fua i le tausaga faavae 2013. O le iva ai nei kuata o faamauina pea le pau ai o le tamaoiga i totonu o lenei vaega ona o le faitiitia o le tamaoiga maua mai i pisinisi tau faigamalaga faapea maimoaga mo turisi ma tagata tafafao mai fafo.

O auaunaga faapisinisi e tulaga tolu le maualuga o lona sao i le suiga o le tamaoiga (-2.3 pasene) i totonu o le kuata. O lona sao i le tuufaatasiga o le tamaoiga faa-le-kuata (nominal) e 1.1 pasene i le kuata o Setema 2020; ua pau mai i le 3.0 pasene ia Setema 2019.




AUAUNAGA TAITOATASI & ISI	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	16.5	17.3	16.4	-5.2	-0.1
Tamaoiga (fua ile tausaga 2013) Tala Samoa (\$'000)	15.9	16.6	16.5	-0.5	3.9
Sao o Vaega i le suiga i le kuata (pasene)	0.2	0.3	0.1		
Saofaga ile tuufaatasiga faa-le-kuata (tamaoiga i pasene)	2.8	3.5	3.3		

Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Setema 2016 - Setema 2020

O lenei vaega sa faamauina le siitia o lona tamaoiga i le 3.9% fua i le kuata o Setema 2019; o le lua ai lea o kuata sosoo o tulaga lelei le tamaoiga fua i lona tulaga faaletonu sa faamauina i le kuata o Mati 2020. E \$16.5 miliona le aofai o lona tamaoiga fua i le tausaga faavae 2013, sa faapena foi ona siitia lona sao ile suiga o le tamaoiga i totonu o le kuata i le 0.1 pasene.

O auaunaga faa-le-Ekalesia, faaleleia o masini faatekonolosi, faaleleia o masini tau fesoootaiga faapea auaunaga mo e ua maliliu na fesoasoani tele i le tulaga lelei o le tamaoiga maua mai i le nei vaega ile kuata o loo iloiloaina. E -0.1 pasene na faaitiitia ai lona tamaoiga i totonu o le kuata fua ia Setema 2019.




Iloiloga o Vaega Maoti taitasi

VAEGA A LE MALO	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	46.7	51.6	56.0	8.5	19.8
Tamaoiga (fua ile tausaga 2013) Tala Samoa (\$'000)	36.5	36.9	37.6	1.8	3.1
Sao o Vaega i le suiga i le kuata (pasene)	0.0	0.1	0.2		
Saofaga ile tuufaatasiga faa-le-kuata (tamaoiga i pasene)	8.0	10.4	11.4		

Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Setema 2016 - Setema 2020

E \$37.6 miliona le tamaoiga na faamauina i le kuata o Setema 2020 pe a fua i le tausaga faavae 2013; ua siitia ile 3.1% lona tamaoiga fua i le kuata lava lea o le tausaga ua tea. O le tulaga lelei na ausia ele vaega a le Malo i le kuata o Setema 2020 o loo atagia ai le faatuputupuia o gaiogiga i vaega o le Soifua Maloloina, Aoaoga, auunaga faaleaganuu, auunaga faaletulafono mo le mamalu lautele faapea gaoiga mo le saogalemu o tagatanuu. E 19.8% na siitia ai le tamaoiga maua i totonu o le kuata fua i le kuata o Setema 2019. O le vaega a le Malo e tulaga lua le maualuga o lona sao i le tuufaatasiga faa-le-kuata o le tamaoiga i le 11.4 pasene; ua siitia i le 3.4 pasene pe a fua i le kuata o Setema 2019 (8.0 pasene).




AUAUNAGA FAA-FALETUPE	Tamaoiga Setema 2019	Tamaoiga Iuni 2020	Tamaoiga Setema 2020	Suiga i % fua i le kuata o Iuni 2020	Suiga i % fua i le kuata o Setema 2019
Tamaoiga (fua kuata) Tala Samoa (\$'000)	50.0	48.8	44.5	-8.7	-10.9
Tamaoiga (fua ile tausaga 2013) Tala Samoa (\$'000)	52.4	53.1	46.9	-11.6	-10.5
Sao o Vaega i le suiga i le kuata (pasene)	0.4	0.5	-1.0		
Saofaga ile tuufaatasiga faa-le-kuata (tamaoiga i pasene)	8.6	9.9	9.1		

Kalafi 19: Tamaoiga maua mai ile Vaega o Auunaga Faa-faletupe ma le suiga mai i kuata taitasi i pasene, Setema 2016 - Setema 2020

I le vaega o Auunaga Faa-faletupe, e 10.6 pasene ua maualalo ai le tamaoiga o lea vaega fua i le kuata lava lea o le tausaga ua tea. O le kuata muamua lea ua faaititiitia ai le tamaoiga o le nei vaega i totonu o le fa tausaga pei ona faaalua i le Kalafi 19.

E \$46.9 miliona lona tamaoiga i le kuata o Setema 2020 fua i le tausaga faavae (2013); o le tamaoiga pito sili lea ona maualalo i le vaega o Auunaga Faa-faletupe talu mai le kauta o Tesema 2017. O lona tulaga faaletonu o loo atagia ai le maualalo o le manaoga mo gaiogiga ma auunaga i faletupe, lisi, inisiua aemaise isi gaiogiga e afua mai i lea vaega i totonu o le kuata o loo iloiloaina. E 9.1 pasene le sao o Auunaga Faa-faletupe i le tuufaatasiga faa-le-kuata o le tamaoiga.



FAAMATALAGA, SUIGA & ATINAE FOU I FAAMAUMAUGA O LE TAMAOAIGA

FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagata ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloga i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma tiala e tuufaatasia ai faamaumauga tau tamaoaiga.

O lenei ripoti faalekuata ua valu a'i ripoti o faamaumauga tau i le tamaoaiga ua faamatuina ma o loo faaogaina ai le tausaga faavae o le 2013 (GDP estimates at 2013 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina www.sbs.gov.ws.

FUAINA O LE TAMAOAIGA

O faamaumauga i le tamaoaiga o se tiala aloaia ua faaogaina e Samoa e mataitu ai lona tamaoaiga. Ua faaogaina le tiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

Vaevaeina o Vaega Maoti o le Tamaoaiga: O pepa faaopopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le tiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei tiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuina atu.

- Vaega Muamua (Faatoaga ma Faigafaiva)
- Vaega Lua poo le Vaega o Oloa Gaosi (Oloa Gaosi, Galuega Tetele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siatoa, Faleoloa laiti ma faletalimalo, felauaiga, falemeli ma fale faaputu-oloa, auaunaga faafaasalalauga ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienetisi, tomai faapitoa, auaunaga lautele, auaunaga faaleMalo, saogalemu, aoaoga, soifua maloloina, faatufugaga o tomai eseese ma isi auaunaga.

SUIGA

E iai suiga laiti i faamaumauga o vaega maoti e pei o le vaega o Faletalimalo ma Faleaiga ma le Vaega a le Malo mo le kuata o Luni 2020 faapea le vaega o Galuega Tetele i le kuata o Mati ma Luni 2020 i le mafia ai ona taulimaina faamaumauga sili ona lata mai ua tuuina mai e Matagaluega ma Faalapotopotoga o loo taulimaina nei punaoa.

E ono suia faamaumauga ua tuuina atu i le nei ripoti i le lumanai ona o suiga i fuainumera o loo tuuina mai.



Aliimuamua Malaefono Taua-T. Faasalaina

GOVERNMENT STATISTICIAN



Ofisa o Fuainumera Faamauina

Vaiga Taula'i:

**"Avea le Ofisa o Fuainumera Faamauina
ma taitai i le tuufaatasia ma le tuuina atu
o fuainumera faamauina sa'o ma le**

Vaega o Faamaumauga tau Tupe ma le Tamaoaiga
Maota FMFMII, Fogafale 2 Pusa Meli 1151
Apia, Samoa

Telefoni: (685) 62006 / 29326
Telesi: (685) 24675
Imeli: fsd@sbs.gov.ws